



kat.komp.

220101



Maq. St. Dr.

P

Teol. 5487.

Lukaszkiewicz Matthaei Mich. Comer divinar  
sapiantiae.



I

I

2

36



COMES 92  
DIVINÆ SAPIENTIÆ

COMITIBVS

D. THOMAS  
AQUINAS,

DOCTOR ANGELICUS;

Redeunte Annua suæ Solennitatis die,  
In Augusta Sanctissimæ TRIADOS Basilica  
Ordinis Prædicatorum

*Celeberrimi Conventus Cracoviensis,*  
Oratorio Cultu



à

M. MATTHÆO MICHAELE  
LVKASZKIEWIC,

Philosophiæ DOCTORE & PROFESSORE,  
Contubernij Hierosolymitani SENIORE,

CELEBRATUS.

*Annô Quô*

ReX DeVS InstitVIt lapsls Comes Ire saLVtIs.  
Die 7ma Martij.

CRACOVIAE.

Typis, Jacobi Matyaszekiewicz, S. R. M. Celsissimi, Illustrissimi & Reverendissimi Episcopi  
Cracoviensis, Ducis Severiæ, Ordinarij Typographj.

M 9 C = 1600  
LL 100  
X 10  
VVV 15  
IIII 6  
1731





Cæltius undatur SRZENIAVA Polonus in Orbe  
 AQVINATIS Lympha, Phæbus origo manet.  
 Profluit, hic, in Quo summi voluunt honores  
 Hos Fortuna suâ pellit & ecco manu.  
 Cernitur in dextris Lucina fasciâ pansa,  
 Ut fascēs NATO, stringat adesse suo.



CELSISSIMO PRINCIPI  
 GASPARO  
 MELCHIORI  
 BALTHASARO,  
 CELSISSIMI,

*Illustrissimi, & Excellentissimi Domini*

D. THEODORI

COMITIS in WISNICZ & IAROSŁAW

LUBOMIRSKI,

Sacri Romani Imperij PRINCIPIS,  
 CAPITANEI SCEPVSIENSIS,  
 Exercituum S. C. M. GENERALIS,

Magnæ Spei 220107<sup>th</sup>

FILIO,  
 DOMINO DOMINO

Mecænati Amplissimo.



OMES de Comitibus Divi-  
 nae Sapientiae THOMAS, ex  
 umbris religiosis prodiens in  
 lucē, ad Tuas properat Cunas,  
 Illustrissimæ Lucinae Fascijs  
 involvendus. CELSISSE  
 PRINCEPS. *Altius enim ab incunabulis*



Tuis, quàm à suggestu Oratorio Ejus reso-  
 nabunt laudes, quas toto Orbe ferent, qui  
 Tibi Nato applaudunt: Omina quæ Patria  
 concipit: gaudia quæ exultans SRZENIA-  
 VA sideribus fluctu gestiente insert: voces  
 quas plaudentium animi festivas attollunt,  
 materiam elogiorum THOMÆ, Tuo con-  
 secratorum Nomini ampliorē dabunt. Pro-  
 spicit ab alto Aquinaticus Phæbus, Tuoq; in  
 Ortu Principum rubente Purpuris videri  
 gaudet, ut major Orbi appareat. Spargit au-  
 ricomos in Srzeniavam radios. unde gemina-  
 tum splendorem in Universum reflectat co-  
 piosius. Thomistico qui adhaeserat pectori,  
 infantilibus Tuis alligatur Cunis, ut sucæ  
 immaturæ, quas dixi, laudes, unā tecum a-  
 gitatæ, incrementum cum annis sumant.  
 Parum est, quod ad formandam Angelici  
 Doctoris panegyrim, de fontibus Oratorijs  
 dictionis stillavit latex; sed ubi Aquinaticæ  
 undæ, Celsissimo se se insinuant Fluvio,  
 totum cum laudibus suis diffundentur in Or-  
 bem. Cælo namq; cognatus amnis, ut gratō  
 Superis decurrit susurrō, sic terras beatiores  
 reddit. Olympicos ab alto fluens movet pul-  
 veres; furentis in Arena Gradivi ut hostes  
 obru-



obruat; Poloniam pretiosiori quàm Gange-  
 tico obryzo ditet. Felicior Nili Accolis Sar-  
 maticus Orbis, quem tam fecunda Celsissi-  
 mæ Srzeniavæ fluentia alluunt; hinc Regnū  
 floret, victrices palmæ crescunt, messis glo-  
 riæ colligitur abundantior. Rubiconē hunc  
 Barbaricæ, quarum toties cruorem bibit,  
 Gentes reformidant, Purpurati amant or-  
 dines, æstimat Univerſus. Libertas Polona  
 securior in alto Illius, cujus candorem in i-  
 magine ſua contemplando ſtetit: ſoli hoſtium  
 tumentes animi rubore Ejus ſuffuſi, nauſtra-  
 gium patiuntur; ipſa Patria tanto flumine  
 plus quàm neſtare Deorum vivit, & aure-  
 um meſurat ævum. Magnum ſecula vi-  
 derunt ſemper Srzeniavam, quia magni Æ-  
 neæ & Romuli ſanguis eſt, in Oceanum  
 deſinens, qui poſtquàm inundavit Orbem,  
 ex eo Duces, Reges, Principes, Caſares e-  
 manarunt, nunquam tamen exaruit, etiam  
 nunc impleturus terrarum Solia, primisq;  
 Regnorum tingendis ſuffecturus purpuris.  
 Eodem Tyberi, quō Reges Gentium cum  
 Druſo Lechi Comite, in Campos Sarmati-  
 cos emerſerunt Viri LVBOMIRSCII, Prin-  
 cipum Mitris, Ducum Clavis, Senatorum Cu-  
 (a2) ruli.



*rulibus affveti. Eorum Nomina non numero, sed ut Numina veneror; Quorum longus syllabus à DRVSO Imperatorum Sanguine, ad Heraclium Drusum Supremum Exercituum Ducem, ab Hoc ad Posteris primis semper honoribus insignitos, deducitur. NICOLAUS DRVSUS Palatinus Crac: Paternæ virtutis Princeps. ADRIANUS de LVBOMIRZ COMES Drusus Vexillifer Crac: ut Nepos; sic in Filijs suis IOACHIMO IACKONE Viris magnanimis: PRÆCLAO in Lubomirz Comite Castellano Woynicensi, probitatis suæ & Bonorum hærede à Majorum dexteritate non degener. PETRVS Archiepiscopus Gnesnen: IOANNES Castellanus Visliciēsis; Hic Senatorum & Charitum Domicilium: Ille Caput Primatialis Honoris & Fundamentum, ambo Comites LVBOMIRSCII, ambo firma Celsissimæ Domûs columnina. MARCVS Comes in Lubomirz Palatinus Sandomiriensis, Custos legum integerrimus: in acie Martis imperterritus Heros. PAVLVS Palatinus Lublinensis quid sit LVBOMIRSCIVM esse, ostendit Filio ALBERTO Succamerario Crac: hic suo IACOBO Castellano*



*lano Sandecensi, omnes Patriæ. SEBASTIANVS Castellanus Sandecensis; deliciũ  
 Senatũs Purpurati, Orbis Poloni stupor. CLEMENS Castellanus Crac. S. R. I. PRINCEPS caris Pignoribus, IACOBO, annis &  
 meritis maturo inter arma consenesciente, LIVIO NICOLAO Archiepiscopo Gnes-  
 nen: literis & zelõ Religionis innutrito, ad Concilium Constantiense Legato. Druso-LV.  
 BOMIRSCIVS CAPITANEUS Iasensis S. R. I. PRINCEPS, Dux Exercituum Regni,  
 quantum SIGISMVNDI AVGVSTI cor-  
 di adhæsit, quàm fidelis, LVDOVICI Hun-  
 garie Regis contra Solimanum belli comes  
 extitit, heroicæ dexteritatis documenta pro-  
 bârunt. SEBASTIANI Comitis in Wisnicz  
 & Iároslaw S. R. I. PRINCIPIS, Castellani  
 Woynicensis, Sandomiriensis, Dobczycensis,  
 Malogostensis, Scepusiensis CAPITANEI gene-  
 rosos ausus sub RVDOLPHO II. Impera-  
 tore: sub SIGISMVNDI III. in expugna-  
 tione Smolensci fama publicat Martialis.  
 Divorum Tempia, festiva voce suum Nu-  
 mam pium & liberalem deprædicant. Et si  
 laus Patris in Filijs; SEBASTIANI in  
 STANISLAO & IOACHIMO maxima.*



*Hic Dobczyċsis, Lipnicensis, Tymbarcensis*  
*Capitaneus, à teneris Bellonæ Comes in-*  
*dividuus, in arma semper ruere paratus,*  
*ni Iuvenē, Heroēm fata sæculis inviderent.*  
*Ille Cracovien: Palatinus, Scepusiensis, Nie-*  
*połomicensis, Zatoriensis, Dobczyċensis Ca-*  
*pitaneus, Minoris Poloniæ Generalis, ubiq;*  
*Dux Magnus, Miles strenuus, lingvâ tonans,*  
*manu fulminans, vincere hostes, Numen de-*  
*vincere scivit, ut pateret, quanto amorī Ei*  
*Religio fuerit; Cujus admirandam dexteri-*  
*tatem à FERDINANDO III. Imperatore,*  
*S. R. I. PRINCIPIS titulô coronatam, augusta*  
*præcelsæ Claritudinis Nomina, ALEXAN-*  
*DER, GEORGIVS, CONSTANTINVS*  
*prætulere. CONSTANTINVM Regni*  
*Pincernam Superi, quibus sua virtus ter-*  
*ris amabilis placuit, & in ambrosiam cessit,*  
*fatis vitam citò eripientibus, in consortium*  
*traxere Cælitum. ALEXANDER Comes*  
*in Wisnicz & Iároslaw, S. R. I. Princeps*  
*Palatinus Cracov: sic se in Orbe Polono ges-*  
*sit, ut ALEXANDRVM decuit, & magni*  
*Nominis sui gloriam, gravitate morū, pru-*  
*dentiâ animi, boni publici amore ampliata,*  
*quam Sarmatia non caperet, per Filium IO-*  
SEPHVM



SEPHVM Archimareschalcum Regni propagavit & auxit. GEORGIUS S. R. I. Princeps Comes in Wisnicz & Iárosław, Archimareschalcus Regni, & Dux Exercituum Campestris, Minoris Poloniae Generalis, medius inter Fratres, Pro-Avus Tuus, Cujus operum & meritorum magnitudo, nec satis ab Oratore profano exprimi, nec animo comprehendendi valet. Purpurâ & Sceptro dignus, nisi majus esse Regna mereri, quàm possidere, documentò probasset. Admirati hostes tanti fortitudinem Ducis, quò in Martis acie visò toties ceciderunt. Moschorum ad Cudnow sexaginta millia aut caesa, aut sub jugum missa: Cosacorum ad Piatkow & Stobodyszczce quadraginta millia, Transylvanorum ad Ostrow viginti millia deleta. Gravis erat vel sola Illius Fama Harpijs Tauricanis: gravis Odrysio Tyranno adhuc sua vulnera ex Chocimensi clade lambenti, gravior Vandalico Neptuno, què ferrò castigavit. Gravitas hæc Magni Ducis, non sine invidia virtutis comite, profuit Majestati & Patriæ; quæ eò tantum ferebatur, quò boni publici pondus, & honesti amor inclinabat. Paterna virtus diffusa in Filios, LVBO-



**MIRSCIANÆ** Domus splendorem auget.  
**STANISLAVM** Archimareschalci Regni  
 Avum Tuum, indefessum Lechici Orbis A-  
 tlantem, consiliis Fabium, gravitate Catonē,  
 imò his majorem Gens stupuit Polona. Quot  
 Ejus opera exquisitissima, luci & bono publi-  
 co data legit posteritas, tot bibliothecas habet.  
**HIERONYMVS** Castellanus Crac: Supre-  
 mus Exercituum Regni Dux, Archimare-  
 schalci Germanus Frater, Heroū exemplar  
 & gloria. Quæ gessit, viginti confictus &  
 victoriæ, unde barbarorum flagellum voca-  
 ri: innumeri pro bono communi indefessi la-  
 bores, unde Pater Patriæ dici meruit, testan-  
 tur. Filiorum ternione felix, **GEORGIO**  
 Notario Regni Campestri, Bogustaviensi Ca-  
 pitaneo, ad arma Bellonæ, ad subsidia Pa-  
 triæ nato. **IOANNE** Bolimoviensi Capi-  
 taneo, **ALEXANDRO** Ensifero Regni, Ca-  
 pitaneo Smotricensi; Hoc animorum & hosti-  
 um victore, Illo ad dexterrima quæq; Præ-  
 cursore. **ALEXANDER** Capitaneus San-  
 decensis, Periastaviensis, ut fraterno Sangvi-  
 ni, sic magnanimæ virtuti **LVBOMIRSCI-**  
**ANÆ** respondens, brevi vitæ spatio immen-  
 sum gloriæ attigit culmen; sed quia summis  
 flare



*flare diu negatum est, satis cedere debuit. Vi-*  
*vere tamen optabat in caris Pignoribus IO-*  
*SEPHO Nominato Episcopo Chelmensi, Ab-*  
*bate Tynecensi, eò sublimioribûs digno hono-*  
*ribûs, quò modestiore. MICHAELE Sub-*  
*dapifero Regni, Capitaneo Periaſtaviensi, in*  
*DEI cultum & Patriæ bonum effusissimo;*  
*nisi & hos fata citius sustulissent è vivis.*  
*Vivit adhuc in GEORGIO S. R. I. Prin-*  
*cipe in Wisnicz, Iarostaw, Koniecpol, Szaro-*  
*grod, Iazłowiec, Raszkow, Comite, Duca-*  
*tûs Rosinensis hereditario Domino, Pala-*  
*tino Sandomiriësi, Generali Velt-Mareschal-*  
*co Exercituum S. C. M. Sandecensi Capita-*  
*neo, Achille Polono, Imperatorum Roma-*  
*norum amore, exterarum Gentium delicio,*  
*Fidei Propugnatore, Sarmaticæ Rei Stato-*  
*re, Senatore. THEODORVS S. R. I.*  
*PRINCEPS CAPITANEVS Scepuſiensis S. C.*  
*M. Exercituum GENERALIS, PARENS Tuus*  
*Dignissimus, omnia decora quæ sunt in Ma-*  
*jores divisa, & quæ fecere beatos solus ani-*  
*mô complexus. Nomen à dono DEI deri-*  
*vatum, THEODORVM manu validum,*  
*consilio potentē, ut exotici mirantur soles, ita*



Polonæ reverenti intuentur pupillâ Aquilæ. Cujus de Capite Minervam nasci, bono publico faventissimam, extra commentum stupet Orbis, quoties cum oris Majestate oracula pandentem audit. Musæ hic domesticæ sunt, eo sacratiores, quò Entheum Diviniorem spirant. Svada prædulcis Lacones & Atticos triumphans, ambrosia Superum. Solida rerum argumenta, non tam fluenti & refluxenti Aristotelico Eurippo, quàm Ipsius Numinis innixa effatis. Ipse Caesarum, Principum, Majestatis Serenissimæ deliciū, ad Comitia LEGATUS, Moderator prudentissimus, Nobilitatis Conventus, fluxibûs & refluxibûs turbidos auctoritate dictorum, rationum pondere, ut inclinare, sic pacare consuevit. Summâ prudentiâ, generosa aâivitate, ferventi zelo functiones agit gloriosissimas, adeo, ut omnes, ab arbitrio Ejus pendere videantur. Tantum Patrem Patriæ, nec Majorum Cera, nec solida eruditio, nec ipsa corporis species digna imperiô attollit; sed virtus in quo prædominatur, moribûs gravem, nemini molestum, omnibus affabilem, animô sublimem, non elatum reddit.

Pul.



*Pulsat fores egestas, accipit beneficia; oc-  
 currunt lachrymæ, adsunt præsto solatia;  
 nulla calamitate mobilior Aurelius hic, quàm  
 aliena. Quocunq; pedem movet, aurea se-  
 cum revolvit sæcula, Vrbes ridere, DEO  
 sacratas Aedes magnificentiâ suâ superbire,  
 Xenodochia indigentiae oblivisci, omnes ut  
 beatâ vitâ fruantur, suâ munificentia facit.  
 Auxerunt felicitatem Regni FRANCIS-  
 CVS Legionû Præfectus, Qui Fatis in spo-  
 lium cessit, gloria superstes. IOSEPHVS  
 Palatinus Czerniechoviensis, Domus Illu-  
 strissimæ decus & Patriæ ornamentû. Non  
 amplius progredere, ne in profundum im-  
 mensarum laudum Icariae sonitum ruinae  
 experiar, sed me impellunt, qui incrementa  
 dedere pretiosi fluctus. Amazon Sarmatica  
 ELIZABETHA ex DONHOFFIIS Avia  
 Tua, quæ famam suam altius in Orbe ex-  
 tulerat, quàm ex toto videri possit. Celsis-  
 sima Nympha, Sacro fœdere ad Srzeniavæ  
 Vndas allecta ELIZABETHA ex CVMIN-  
 GIS, in Regno Scotiæ Viris dexteritate, me-  
 ritis suis Illustrissimis, ac præclaris honoribus  
 celeberrimis, Parens Tua Dignissima, Cu-*



*jus dotes tantà Heroinà dignæ forma & a-*  
*nimi elegantia sexum suum exornant, &*  
*quasvis adæquant Pulcherias. Prudentiæ*  
*Majestas, quâ vel Pallas ambiret: oris affa-*  
*bilitas, qualẽ allocutura Deos optaret Iuno:*  
*vultûs modestia, quam ipsa virtus indueret,*  
*præcellentissimis donis, pietati, Sanctimonie,*  
*morû gravitati intenta. Confluunt ad Oce-*  
*anum Magni Sanguinis Tui Serenissimarû,*  
*Cellissimarum, Illustrissimarum Familiarû No-*  
*mina, feruntur & eminēt Avita Insignia SO-*  
**BIESCIORVM** *Campi, victricibus pal-*  
*mis & laureis virentes WISNIOWIEC-*  
**CIORVM SIENIAWIORVM**  
*Splendidissimæ Lunæ, SANGVSZKO-*  
**RV**, **CZARTORYISCIORVM**,  
*bellicosissimi Equites, WIELOPOLSCI-*  
**ORVM** *generosus Pegasus, RADZIWI-*  
**ŁORVM**, & **IORDANORVM** *Tubæ*  
*Vocales, POTOCCIORVM* *Pilava tri-*  
*umphans, KONIECPOLSCIORVM*  
*nitidissima Solea, TARŁONVM* *Ascia*  
*hostibus minax, MAŁACHOWSCI-*  
**ORVM** *Fascia in Orbem gloriæ se se si-*  
*nuans, OPALINSCIORVM* *Argo*  
*pre-*



pretiosis onusta mercibus, MNISZKO-  
 RV M gemmeæ pennæ, BRANICCI-  
 ORVM Swoboda suæ & Patriæ liberta-  
 tis gloria, BILINSIORVM  
 Magnanimus Iunossa, BOKVMORVM  
 Orbis sphericus, SZEMBECCIORM  
 vernantes Rosæ, DEMBINSCIO-  
 RV M Virago decora, cæteriꝑ pretiosissimi  
 Coronæ Regni uniones, Srzeniavam Cui per  
 connubialia immerſi vota, magnitudine ſua  
 adaugent. Hoc in alto Tu emines Celſiſ-  
 ſime & Illuſtriſſime PRINCEPS, quem Po-  
 loniæ pretioſa tanti Fluvij tempeſtas, celeſti-  
 um ſavorum impulſu ad promontoriũ Ma-  
 gnæ Spei tulit. Non invidemus ſæculis,  
 naſcente Iove gemmeos in terram profluxiſſe  
 de celo nimboſ; ſatis eſt felicitatis Poloniæ,  
 cui Tu inæſtimabilis Principũ Mitris in-  
 ſerendus ades unio. Non ampliùs aureis  
 Pactoli ramentis, aut Pygmalionis indige-  
 bit opibus Lechicus Orbis, tantò pretiò Cel-  
 ſiſſimi Srzeniavæ dives. Phæbus Aquina-  
 ticus novam rerum faciem in Orbe Polono  
 Te Nato obſervans, candidis ſe ſe involvit  
 ſolijs, & in Tuo conſpectu explicat, ut à Te  
 (d) viſus



*visus miretur Tuam quæ cunctorum exi-  
 larat animos, ora in vota resolvit, pulchri-  
 tudinē. Applaudit ergo Tuo Natali THO-  
 MAS ANGELICVS DOCTOR, Inno-  
 cens Innocenti, COMES Comiti, Torquem  
 Aureum, quô retinet solem, Tuis fasciis ad-  
 jungit, ut Quos Celsissimus Srzeniava vehit,  
 Fortuna impellit, Illustrissima Lucina invol-  
 vit, fortiùs Tibi longa annorum serie con-  
 nectantur honores, precatur*

CELSITVDINI  
 VESTRÆ

Devotissimus Cliens  
 & humillimus Servus

Author Operis.





# ORATIO.



Enè est, quòd Aquinaticus Titan diem sibi Mercurij ferat & accendat. AA. Vt etenim Oratorius in laudes Divinissimi THOMÆ formetur progressus, comite Mercurio opus est, ut Ejus gemmei explicentur sensus, aureo hujus utendum ore. Nititur imbellis eloquentia oratorio excitata impetu, in sublimè Thomisticæ laudis evolare fastigium, hoc cælo conterminum alto, non aliter quàm Mercurij instructa alîs poterit occupare. Intimatum à Rege Regum Crucis è Solio THOMÆ elogium, quis vocaliùs proclamaret? quàm ille, qui Superùm præconem agit. Celerem hunc si eruditorum impellunt calami in dandis Divorum responsis, hoc



109  
hoc in passu succurret, quomodo solenniori  
THOMÆ festo, quomodo Aquinaticis lau-  
dibus respondendum. Divinò ille præditus  
ingeniò, & eloquiò potens, noverat perbelle  
motos animorum componere fluctus, discor-  
desq; unire Cives, THOMAS quidni ab  
eo laudetur, qui tot furentes vesana lævitie  
contra Christianum Orbem dissipavit hære-  
ses. Dicendum est de Aquinatico Sole, quo-  
modo cælestes deferens sphæras suæ capa-  
ces magnitudinis, intra exiguum THOMÆ  
arctatur pectus, neve inde moveat gressum  
aureo torque mancipatur. Dicendum, cur  
& quomodo, cursu solito remorans in THO-  
MA suam fixerit stationem? velox ingenij  
Mercurij motus utpote individui Astrorum  
comitis suum dare sensum non negabit.  
Quòd si THOMAS ipso vocis etymò  
mysteriorum DEI Abyssus est, illius metiri  
profunditatem quis audebit? nisi forsitan ille  
cui talaria adsunt & totus alatus. THO-  
MAM Divinæ compendium sapientiæ quis  
ampliori celebrabit panegyri? quàm Ille qui o-  
mnis eruditionis inventor appellatur. Hic de  
pennis Ejus doctiores ad scribendum THO-  
MÆ elogia veniunt calami, ad excitandum  
fervi-



fervidiorem in Oratore spiritum ipsæ non defunt alæ, velocitas quâ innatâ pollet, non tardo passu in Thomistica ire jubet encomia, ut hoc incalescens Orator motu, minimè Martios brumæ timeat algores. Verbo; dictis animoq; favet hodierna Mercurij dies, qui pro laudibus THOMÆ hunc Oratorium paratus involare suggestum, ni cum prius occupassem. Ad Summam prædicandam THOMÆ quis in summo poterit esse Orator, quæ ulterius ire nequit nisi aliquid quærat post omnia. Ad laudandum Angelicum Doctorem quis humanus sufficiet genius? ni fortè illis instructus pennis quæ divino agitatæ spiritu calamum ex se non negarent. Quomodo ad THOMAM cum Rhetoricis accedendum elogijs? dum fulgens in pectore Ejus perstringit lumina Titan, cerni aliter nequit, nisi forsitan sub velamento alarum Mercurij. Motus ingenij THOMÆ qui semper ad mentem Cæli agitur Oratorium excedit captum, rotundas transcendit periodos. Annuis revolutionibus, moventur plurimæ de THOMA quæstiones, nullus tamen adeò perfectus adest Orator, qui respondeat elogiorum quæstioni. Hinc



THOMAM aut Solis Angelis laudan-  
 dum, aut hominibus Angelicas lingvas tribu-  
 endum necesse. Optimè Cælum disposuit, no-  
 vit ampla THOMÆ elogia, tenuem di-  
 centis facundiam novit, neve aliquid desit O-  
 ratori, Mercurij diem induxit, ut totus ex illo  
 Rhetoricus petatur apparatus. Sic audentiùs  
 comite Mercurio in Thomisticas abeundum  
 laudes, nec in Oratorio tractu tenebræ ti-  
 mendæ, stare utiq; THOMAS Sanctior Io-  
 sue fecit in pectore Solem, dum pro Ejus  
 venit certandum honore, hic in tenebrionem  
 animum lucidos gratiæ reflectet radios. No-  
 biliores Aquinaticæ undæ augent Oratorios  
 fontes, ut sonantiùs cum laudibus Thomisti-  
 cis, in animos influant audientium. Et si  
 cum intenso animo argumentorum rumpan-  
 tur fila, Thomistico facile ligantur torque.  
 Præit cum accensa tæda Dominici catulus,  
 cæleste eum dicerem signum, quod comes  
 Oratoris Mercurius fecit sibi famulari, ne in-  
 densis THOMÆ elogijs contingat aberrare.  
 Iam ergo Oratorio celebrandum sermo-  
 ne aggredior THOMAM, & ne præ inna-  
 ta modestia, à suis laudibus Angelicis avo-  
 let pennis, comes alatus præstò mercurius a-  
 dest.



dest. Vellem cum profunda submissione loqui THOMÆ, at Illum in continuo video motu, assiduò currit THOMAS, cælestem sequitur Magistrum, suis eruditis calamis fertur semper in Superos. Nullus Ejus sensus, Angelico non prolatus ore, omnis THOMÆ ad Divinam Sapientiam accessus, à qua nunquam recessit, propiorq; ut alijs foret, omnium singulas comprehendit mentes, ita Ipse ad mentem æternæ futurus Sapientia. Et hinc totum est, dum Divinissimus THOMAS AQUINAS COMES Divinae Sapientia de Comitibus Oratoriò stylò declarabitur. COMES es DOCTOR Divinissime, iter laudum tuarum arripienti Oratori Tuâ assistas gratiâ, ire quò vis jube, Tum respicit velle, ejus ne sperne intentum. THOMAS COMES Divinae Sapientia, iam famulantem sibi habet Oratorem, major Ei accedet pompa, si vestrum in benevola attentione habebit comitatum, quem poscit Oratio.

**N**ondum Orbis erudita virentes lauro adoraverat frontes, nondum erat capacissimos Musarum contemplatus animos, iam

B nimio



nimiò sciendi accensus desiderio, primus de Comitibus Sapientiæ studuit vocari COMES. AA. Ambitiosa equidem hæc vagientis adhuc in cunis Mundi tentaverat mentem cupiditas, ut non tam benè, quàm altum saperet, cæteris in ludo literario præripiendo palmā, vel quos buccinante ore Dijs pares Iovesq; terrestres amica publicaret fama comitando. Studuit satis ardenti conatu, imò in umbrosum infans recessit Paradisi lucum, ut avidius specularetur, quos sub arbore scientiæ boni & mali comitari deberet Alumnos. En quàm elusus crepūdijs infantilibus puer Mundus, plus desipuit, quàm didicerat in sylva scientiarum, perniciosum discendi modum alliciente pomo comitatus. Vnum malū quantum Orbi attulit malum, in posteros comites derivatum. Primus ille Authoris malorum comes, Principem tenebrarum sequi docuit mortales, instructor pessimus, Discipulos pejori exercuit in arte, quam vix primis tetigere labrīs, pocula Stygis hausisse observati. Rudis hæc, nimiumq; perniciofa discendi norma, fatalis regula, cui Mundus vanò incumbit studiò. Quid est? velle tumida mente nullo virtutum suffragante stimulo, solo vitiorum



tiorum crescente acervo, in sublime ferri. Quid est? optare Pygmalionis inhiare opibus, aut Ditis pulso pudore, sacræq; Themidis suppressa lance, congregatos nūmos ut Numē colere. Quid est? Sibariticis modo sua quemq; trahat voluptas intendere frui lenociniis. Studia hæc infanientis mundi sunt, quorum tot numerantur comites, quot nefandorū mancipia, quot furentis Erebi sodales, quot furorum amicos periculorum Orbis complectitur Vniversus. Sed quorsum cum sequacibus mundanorum studiorum pergo? quorum inanes conatus dolosæ plenum opus aleæ sunt, cursus ad interitum, terminus in profundo Averni. Gradum revoco, Comites Divinæ Sapientiæ sequor, quæ supernas ducit ad auras. Terrent quidem vestigia Viarum Ejus, quæ videntur asperiora, sed in amæna tempe dulcis Patriæ tendunt. Terrent infensum cum quibus luctatur hostes, sed reportandæ victoriæ delectat æterna laurus. Per spinas illa suum absolvit cursum, sed de quibus immarcescibiles pullulant rosæ, more palmari, gravi cælestium curarum fatigari mole, variis premi svadet ponderibûs, verum ut nobis ipsi altius assurgamus. Amara meditari sti-



mulat, ambrosiam Superum tenerioribus instillat mentibus. Sublimia semper cogit subire munera, eos tantum gaudet videre comites, quibus supra communem viventium sortem datum est eminere. Adsunt præstò quos Christianus veneratur Orbis magni in Ecclesia DEI Doctores, qui cælestibus repositam arcanis mentis acumine penetrarunt Sapientiam, ac summis involutam mysterijs resolutione explicuerunt animò; his tamen de Comitibus principalior COMES Divinissimus THOMAS adorandus. Quasi post omnes unicus supersit Aquinas, in quo omnium patuere mentes, imò si in illis aliquando cernebantur obscuræ, in THOMA clariores observatæ. Eruditos plurimi ubi terminarunt labores, THOMÆ inde impetus ad maxima erat, eò mentis pervenit velocitate, quò nemo præiverat. Ad infantiles Ejus Comites vos invito cunas, in quibus non Illum ita pueriles stringunt fasciæ, ne Divinæ COMES prodeat Sapientiæ, imò suo agitato iam Eum COMITEM impellere videntur, nisi adhuc ligari debeat, ardentem Ejus quò Divinam comitetur Sapientiam arcendo conatum. Insigni Aquinatica de qua Dij ipsi, si iterum eos nasci



nasci contingat, prodire vellent ad vitam e-  
 ditur Domo, iam ad cursum æternæ gloriæ  
 destinatur, suam de Comitibus trahit originem  
 ut non immeritò ipse COMES de Comiti-  
 bus Divinæ Sapiētiæ nominetur. Patre LAN-  
 DVLPHO Matre THEODORA prodit in  
 Orbem, Qui antequam prodiret, iam Divi-  
 næ Sapiētiæ COMES intra densam auditur E-  
 remum, & anxie Matri ab Eremita Bonus  
 dicto pari omine intimatur. Divinam Bonus  
 Anachoreta contemplabatur Sapiētiā, Il-  
 lam intra librorum & arborum mente revol-  
 vebat folia, quā simul & THOMAM ut  
 COMITEM Ejus meditatus. Ast quid est?  
 quòd nasciturus THOMAS non prius luci  
 publicæ quàm densæ patuit Eremo. Opti-  
 mum inde præsagium est, utiq; nulli adeò in-  
 voluti sensus futuri erant, qui à THOMA  
 mirā non solverentur facilitate, nullæ ejus-  
 modi umbræ, quæ Aquinaticæ non cederent  
 luci. Nec mirum est, quòd nunc ad Arbo-  
 res sonet Pusio, ex quibus tandem in Cathe-  
 dris DOCTOR intonabit; aut quòd de istius  
 Orbis nemore diræ hæreseos monstra Domi-  
 nici catulo infectaturus esset. Totum id per-  
 fecit THOMAS, qui ad virtutem editus in-



tra eam adolevit maturuit intra gloriam, intra quam nobiliorem vitam vivere visus. Infans THOMAS est, nil tamen in eo puerile apparet præter annos, animus ad magna natus, mens cælestibus desiderijs plena fertur semper in ea, quæ Illum COMITEM Divinæ remonstrent Sapientiæ. Svaderē ego THOMÆ Sacrationibus animum consecrare studijs, dum Divinæ COMITEM agere præ-tendit sapientiæ, necdum dixi, iam THOMAS egit, dum prius in Angelicas, quàm humaniores fertur literas. Ad conspectū Marianum Ave tenellos gressus Pusio movet, ad Eam festinat quæ Gigantem ad currendam viam, Cujus THOMAS futurus COMES erat universo intulit Orbi. Vidit inquam folium Angelicò plenum eloquiò, quod Divinæ Sapientiæ conceptus erat, ne frustra Ejus COMES in terris foret, illud arripit, suo admovet ori & ut reverentiùs observet, pectoris sui arcano claudit. Tantò Angelicæ salutationis alimentò effecit, ut Angelicus evaderet DOCTOR, ut Divinæ Sapientiæ diceretur COMES, supra mortales futurus, cui Infanti iam Angelica cessit portio, supra eruditos DOCTORES, qui non tenuiores Scien-  
tiæ



tiæ rivulos, ast in Mariano Ave totum gratiarū  
**DEI** exhaustit mare. Augustam sapientiæ  
Domum suis visceribus ambire conatus, vel  
inde individui **COMITIS** de Comitibus **Ejus** do-  
mesticis sortiturus nomen. Arcam fæderis  
sibi adhærere nifus ut **COMES**, sic Præses lar-  
gitionum illius dicendus. Videre erat scin-  
tillantes in **THOMA** ad optima quæq; igni-  
culos, qui ut evidentiùs ardeant, Montem Cas-  
sini petit, non tam scholastico adurente Phæ-  
bo, quàm Divini amoris æstuans flammis Cæ-  
lis ex se triumphalem accendit rogum, ut sub  
Cælo clarè ad Illum Divina pateret Sapien-  
tia. In montibus equidem illa suam fige-  
bat stationem, **THOMAS** quomodo Eam  
comitari sciret, nisi etiam in Cassinensi mon-  
te continuum cælestis cursus haberet exerci-  
tium. Quærit sæpè à suo Magistro quid sit  
**DEV**S? o **THOMA**! quasi nescias quòd Il-  
le Antesignanus Tu socius, Ille Dux, Tu **CO-**  
**MES**, Ille Flamma Tu **Ejus** maxima pars,  
Ille Sol, Tu radius lucidissimus. Vel quærit  
**THOMAS** quid sit **DEV**S? ut Regis Re-  
gum non solus **THOMAS COMES** sit,  
sibi **COMITI** virtutes Cælestis hæredes Au-  
læ fecisset etiam famulari. Hic omnes **THO-**



MÆ in Audijs gressus ad normam Divinæ  
 Sapientiæ erant, in sublimi positus loco, illos  
 sublimes volvebat sensus, qui à Solius Altissi-  
 mi non discreparēt mente. E Cassinensi Mon-  
 te Neapolitanos Parnassi scandit colles, sem-  
 per in eminenti videndus, nil humile præter  
 solam de se opinionē remonstrando. In scho-  
 lasticam Neapoli quoties visus descendere a-  
 renam, toties contra ignorantiam docti in-  
 genij vibrabat acumina, quæ Illi COMITI  
 in defensionem Divinæ servirent Sapientiæ.  
 Gloriatur Neapolitana Pallas, quòd ejusmo-  
 di sortita Discipulum, Cujus ab Angelicis  
 dotibus plurima doctrinæ Ejus accelsère, plus  
 sapere THOMAM, quam eam docere pos-  
 se admirando. Perveniant ad aures THO-  
 MÆ plurimæ Mundi artes, sed non eo trami-  
 te, qui viam indicat & veritatem. Videt Al-  
 cinoos, ad sua pomaria Hesperiorum æmula  
 hortorum currentes, ast illos pessimi comites  
 advertit Draconis, futuros Tantalos censet.  
 Observat effuso impetu ad Minois viridaria  
 ruere Theseos quibûs mille anfractibûs ple-  
 nus adest Labyrinthus. Obryzeum alios sequi  
 splendorem, ridentisq; Fortunæ comitari se-  
 renum stupet; iam illos diram patientes ec-  
 cly.



clipsim, non sine magno dolore videt. Con-  
 temnit itaq; THOMAS fluctivagas mundi  
 delicias, solidiorem religiosæ observantiæ ap-  
 petit vitam, spernit divitias, quarum copiam  
 suis plurimi claudunt arcis, & ea servando  
 perdunt, quæ sua spargendo fecissent, spon-  
 tanea æternum dives volens fieri pauperie.  
 Numerosô virtutum stipatus satellitiô THO-  
 MAS, dulcisono Musarum præeunte choro,  
 iam stellatum Dominici in fronte Cælum scan-  
 dit. Et bene; cognatam Cælis AQVINAS  
 Familiam petit, magnos cælestium Scienti-  
 arum Parentes cum suis Illustrissimis Ceris in  
 Orbe Dominicano quæsiturus. Angelicus  
 Juvenis in candore vestium Angelicis cæti-  
 bus sociatur. COMES Divinæ Sapientiæ  
 futurus, Ordinem Comitum Ejus sequitur.  
 Perge THOMA, fausto Dominici fidere,  
 quò Te virtus vocat, Astrum hoc quod co-  
 mitaris ad Increatam Sapientiã Ducem aget.  
 Numera stellas in hoc Olympo si potes, quot-  
 quot Doctores tot soles, tot lingvas cæli, in-  
 terpretes DEI arcanorum habebis. Lucem  
 inaccessibilẽ speculari cupis? non poteris com-  
 modiùs, quàm in umbris religiosis. Domi-  
 no exercituum in comitatu Virtutum Tuarũ



militare eligis? candido illustrium heroum  
 Cætui, qui omnes Dominici sunt, adjungaris.  
 Magnus es, angustiae mundanarum illecebra-  
 rum Te non capiunt, alium Tibi in Orbe Do-  
 minicano Orbem quære. Grandia sunt vir-  
 tutis & Sapientiae decora, quæ Aquinaticis  
 volvuntur Vndis: pulchra societate crescunt,  
 concordie unione pretium acquirunt inæsti-  
 mabile, ne quando dissociata pereant, stricto  
 religiosi voti vinculo obliganda. Et iam Cæ-  
 lum in cella ratus THOMAS, iam ad ar-  
 dentem Dominici facem, diem se Dominicū  
 sine nocte habere credit, iam tranquillam, in-  
 nocentiae musiq; amicam invigilante tædifero  
 catulo securiorē ducere vitam opinatur, mox  
 invidia Virtutis comes, etiam Soli Aquinati-  
 co pulchrius in suo exorienti hæmispherio non  
 parcit. Mundus tenebrarum quam lucis a-  
 mantior, ne cæcutire videatur in splendori-  
 bus tanti Sideris, tempestatem ciet, flammam  
 meliores THOMÆ accendentem dies extin-  
 guere conatur. Maternus nimirum Theodo-  
 ræ furor, nomini malè respondens, pacem  
 turbat religiosam, dulce virtutis cum sapi-  
 entia vinculum rumpere meditatur, tam  
 strictam illarum inter se unionem, Aquinati-



co Mari non benè convenire, minaci vultu ostendit. Timet Aquinas, ne Parentis vesana rabies offendat in se par nobile Divinæ prolis, alias nunquā Increatæ Sapientiæ futurus COMES. Timet, & mox alio sub Sole pacatiorem quærit auram; concordem suis dotibus inter Galliarum lilia servaturus candorem. Quid agis o THOMA! vitas Charybdim, incidis in Scyllas! mollior est, quæ Te percellit Matris furentis ira, durior Fraternus sanguis, qui Te insequitur fugientem, ferit, prosternit, spoliat, ligat, in carcerem detrudit. Fallor, viâ Appiâ processit THOMAS, non in carcerem, sed in Capitolium, ut animorum victor, in Palatinam Domum ut COMES; nam virtus quidquid subintrat, condecorat. In Castrum Ioannis detrusus Aquinas propugnaculum virtutum, sedem Musarum occupavit; virtutes equidem & scientiæ ut custodiâ foveantur, sic locum tranquillum amant. Ad Ioannem recurrendum erat, ut in gratiam Divinæ Sapientiæ reciperetur THOMAS, in COMITEM Ejus eligendus. Regia hæc placet Aquinatico Soli, ut, quæ Præcursoris Solis Iustitiæ nomine insignitur, COMITIS quoq; Ejusdem titulum sortiatur.



Contentus Aquinas quacunq; donatur sede,  
 sed Mater furit, fratres murmurant, suô fru-  
 strati dolô, sorores instant, ut decipiant. Quid  
 ages o COMES Illustrissime? Parum est, ubi  
 Te amici comitantur hostes, hostem potenti-  
 orē time, qui si nequeat Superos, Acheronta  
 movebit, ut arcē, quā captivus arctaris, expu-  
 gnet. Mulier est, vel saxa murorum, si Tuum  
 non poterit animum, Paphio emollitura igne,  
 ut Te adeat; imò iam ad ostium venit, pul-  
 chritudine Tuæ innocentiae allecta. Sed appa-  
 ge hinc pulchra Turpilia! non est tuis de comi-  
 tibus Aquinatis forma, ut Te appetat sibi simi-  
 lem. Cerussa hæc, quam in Te fingis, venu-  
 rum virus, mors sub melle, sætidum cænum  
 sub viridi cespite, sepulchrum dealbatum,  
 Gomorrheum cum cinere pomum, specio-  
 sum in purpuris scelus est. Pulchritudinem  
 THOMÆ Angelica puritas, comes Divinæ  
 formæ, vita innocens, candidusq; pudor, ut  
 vitrum rosam produnt. Non credis! THO-  
 MAS ardenti torre probabit, quàm sit con-  
 traria forma tua Illius verecundiæ, dum ex  
 flammis tuis, undas lacrymarum producet.  
 Iovem crede, de cælo suo contra Te fulmi-  
 nantem, ubi COMES Divinissimus ab arce  
 Ioan-



Ioannis semiambustò lignò Te arcet, quatit,  
 exturbat. Fuge! fuge Megæra turpis! nun-  
 cia Cupidini, quòd etiam in frigidis carceris  
 umbris ignibus non egeat Aquinas, sacris Do-  
 minici accensus tædis. Ita victor THOMAS,  
 vix lascivam Eumenidem, & flammanti titi-  
 one, & Sanctioris vitæ lumine eliminavit à se,  
 illico cælestes Intelligentiæ triumphantis in-  
 nocentiæ comites, baltheò fortem Athletam  
 præcingunt, Viro Principi, decorum insigne  
 offerunt, ut Comes Intelligentiarum ac Di-  
 vinæ Sapientiæ noscatur. Progredere de Ca-  
 stro bonis avibus COMES Divinissime,  
 cujus auspicato ad comitatum Divinæ Sapi-  
 entiæ ingressui, plausum dederunt cælestes  
 Genij, Castrensia faverunt jura; Progredere,  
 en Patria Dominicanæ Religionis redeunti  
 Tibi triumphales in face sua accendit ignes,  
 en Agrippina, quam tendendum est, eruditas  
 COMITI suo inclinat laurus. Magnus Præ-  
 ceptor, Divina de Te oracula laturus, in Orbe  
 Literario magnitudini Tuæ cedit. Inflamma-  
 ta semel nescit mitescere Aquinatis virtus,  
 nec eget stimulis innatus Illius discendi amor,  
 imò melioribus cæptis, fervidis conatibus su-  
 E is ad-



is addit alas. Noverat Se **COMITEM** Scholarum **THOMAS**, in omni studio doctioris Minervæ gloriosa inire certamina prætendit. Progreditur in Metropolim **DOCTORUM**, **Lyceorum** Principem **Lutetiam**, virtute prodromante, comite labore, summo naturarum **Indagatori Alberto Magno** adhæret. Dicitis **Tyresia** agentes **Compalæstritæ** bovẽ **THOMAM**, quòd sit laborum comes. Mutum, quòd comitate morũ excellat, & profundum amet silentium. Non errastis; si bovis illius **Aquinati** nomen imponitis, qui sacro declarante oraculo, currum **Increatæ Sapientiæ** trahit, vel qui ante **Thronum** **Ejus** in comitatu cæterorum, **Divina** meditatur arcana, aut qui in **Zodiaco** cælesti **Soli** **justitiæ** obviam venit; ut comitetur. Formam bovis vobis fingentibus induit **THOMAS**, sed quam ipse ambiit **Iupiter**, ut pote **Cujus** vocem **Tonanti** similem **Præceptor** æstimat, stupet **Orbis**, hæresis timet. Quid putatis **Magni Magistri** comites? si tantus **Aquinas** dum inter **Alumnos** præfert silentia rebus; quid si doctorum præmia frontium recipiet? si **Doctorali** de sede loquetur altiùs? iam vestro annuente

Prin.



Principe *non respondentis, sed Doctoris lo-*  
*cum meretur;* iam stimulante Senatorio cæli  
 ordine, ut Orbis videat COMITEM Divinæ  
 Sapientiæ de Comitibus THOMAM, ad Ma-  
 gisterij vocatur munus. Adeste! quotquot  
 dulces favos Scientiarum Platonico sumitis  
 ab ore, quotquot Aristotelicum hauritis Eu-  
 rippum, quos Athenæ foveant, Tarentum co-  
 lit, Peripatus adorat, Corynthus magnos ar-  
 tium liberalium recipit Cultores. Adeste!  
 quotquot nectare Ambrosij vivitis, quos va-  
 stum Gregorij alit ingenium, quorum animos  
 Hieronymi stylus consolidat, quibus ab Augu-  
 stino verborum pondus accedit, iam vobis de  
 Comitibus ad comitatum Divinæ Sapientiæ  
 THOMAS assumptus est. Date plausum  
 eminenti in Cathedra Theologica DOCTO-  
 RI, Cui vel Ipsi Cælestis Provinciæ Principes  
 PETRVS cū PAVLO applaudunt. Ille Co-  
 mitem, Ovilis sui Custodem, Hic mansionum  
 multarum in tertio Cælo scrutator Comitem  
 Domorum Sapientiæ salutant Aquinatem. Et  
 quis fidelior COMES Divinæ Sapientiæ?  
 quàm THOMAS, quam fides Petri confir-  
 mat, quis major? quàm Ille Cui sublimia quæ



non licet homini loqui, à DOCTORE Gentium dictata sunt. Cælum cum suo Principatu delatū esse arbitror ad COMITEM Divinissimū, in Cujus pectore Phæbus Regiam, Sapiencia Domum ædificavit. Exultat Orbis tam claro sibi Scientiarū Thomistico allucente Phæbo, gemit Bucerus & clamat: *Tolle THOMAM & dissipabo Ecclesiam*, ubi de Throno Aquinatico Sapienciæ erumpunt fulmina, terrent hæresum monstra, contra fætidam Orci prolem, conclusiones feruntur. Quid si Aquinas proferat, quantorum sit, quæ de munere suo dispensat, cælestium bonorum COMES. Evolvantur quanquam grandia volumina librorū, ad colligendam THOMÆ Summam, quæ eruditis impenditur Lycæis, tota in Orbe Literario plurimò mensuranda ævò colligatur arena, ad ponderanda doctrinæ Thomisticæ pretia; nec illa capiunt summum Aquinatis ingenium, nec ista adæquat lancem inæstimabilis valoris Ejus. Sed subscribit æterni Patris Character, quantus sit COMES eruditi Patrimonij sui THOMAS, dum in statera Crucis, Compendium mysteriorum DEI in Summa collectum æstimat: *Bene scripsisti*



*p̄sisti de me THOMA.* Bene: quia nemo melius Divinam comitatus est Sapientiam, meritò COMES Illius prædicandus. Bonum elogium meretur Aquinas morientis Domini, qui patientis in vita secutus est Crucem adeò, ut etiam Archiepiscopales fugerit, ne videretur pretiò illarum captus, minus comitari Christum. Fugit evanidos honores, sed ubi sedem Divina Sapientia figit, alachrius properat. Tendendum erat ad Lugdunense Concilium, impellente Vicaria DEI in terris Potestate ad compescendos Averni furores, utq; integerrimus honor, nomen, laudesq; maneat Orthodoxæ fidei, tollit moras, velociores arripit passus, sed iniquis comitantibus fatis, in Fossam novam incidit. Sic, dum facta morantur in Fossa COMITEM Divinissimum, nuncia & interpres mentis Superùm stella cælo ab alto delabitur in frontem THOMÆ, ut inter astra referatur, qui astris digna gessit, ut Phæbus Aquinaticus Phosphorum præeuntem sibi in Domum Sapientiæ æternum regnantis comitetur. Hactenus per Augustæ Domus Aquinaticæ penetralia, Illustrissimis mihi allucentibus Ceris, in plau-



129  
sum **THOMÆ** Oratorias gradationes movi,  
hactenus per Orbem Dominicanū minūs ro-  
tundis periodorum decurrebam cūculis, pane-  
gyricas texendo laudes; nunc iam ad supre-  
mi Regni migrante sedem **COMITE** Divi-  
nissimo, domi suæ, quam claudit Epilogus, im-  
bellis manet Orator. Te Sacratissime Præ-  
dicatorum Ordo, veram Aquinatis imagi-  
nem comitando veneratur. Quotquot intui-  
eor Dominicanos, tot Comites plusquàm Pa-  
latinæ Comitum Purpuræ, quia Dominici In-  
stituti Cultores, quia Divinæ Sapientiæ non  
tam Competitores, quàm Comprehensores  
veneror. Virtus **THOMÆ** cum Aquina-  
tis undis tuum diffusa per Orbem, ad accen-  
sam Gentilitiam facem, vniuscujusq; Viri ad  
magna nati, ut in Te refert speciem, sic Pon-  
tificum Triregijs, Cardinalium purpuris, Ar-  
chipræfulum Tiaris, Præfulum Infulis, Docto-  
ralibusq; Mitris adornat. Nec mirum, nam  
comes virtutis honos, apud alios sæpenume-  
rò hospes, apud Te semper domesticus. Gra-  
tulandum est tantæ tuæ felicitati, Qui & cun-  
ctorum animos Aquinaticâ devincis Sapien-  
tia, & magnos Te comitari honores innatâ Tuâ  
mome-




modestiâ stimulas; ergo triumphos age. Tu  
verò COMES Divinissime, Almam Matrem  
Univerſitatem Cracoviensem, quæ Angelicæ  
Tuæ comes est Sapientiæ, amplioribûs Cæ-  
li favoribûs proſequi non deſine. Exundet  
Tuum Aquinaticum Mare cæleſtibus gratijs,  
Cracia Metropolis fundit preces, ut fiat abun-  
dantia in turribus Ejus. Adextremum ſequi-  
mur Te Omnes DOCTOR Diviniſſi-  
me, hoc Tua manuſductione quæren-  
tes Regnû, in Quo Tu COMES  
DIVINÆ SAPIENTIÆ de  
COMITIBVS majori  
celebraris plauſu,  
quàm ego,  
DIXI.





modelis similes: ergo triumphos age. Tu  
 vero COMES Divinitus. Altam Martem  
 Universitatem Cracoviensem per Angelos  
 Tus comes est sapientie, sapientibus Co-  
 li favoribus protegitur non duntaxat. Exandit  
 Iam Apud Martem celestibus gratias  
 Gratia Metropolis fundit preces, in ista  
 danda in munda fuit. Adversum legem  
 inus Te Omnes DOCTOR Divinitus  
 me hoc in mandatione quatenus  
 res Regni in Quo COMES  
 DIVINE SAPIENTIE  
 COMITATVS  
 celebris pluit  
 quam ego  
 DIXI





Biblioteka Jagiellońska



stdr0019078



